

南宮奏議

南宮奏議卷第九目錄

大恤三

永孝殿慰祭儀

奉報 梓宮至承天祭謝神祇壇

獻皇后祔廟大禮議

獻皇后祔廟大禮儀注

再擬 獻皇后祔廟捧主儀

陵廟禮終請行奉慰禮

甄別梓宮經過沿途官員功罪

奉諭查賞 梓宮江行畫策官員

請乞 欽定 獻皇后祥祭儀

南宮奏議卷第九

鈐山堂集四十九

大恤三

永孝殿慰祭儀

嘉靖十八年閏七月十九日該內閣傳出節奉 聖  
諭朕 慈宮奉合 顯陵二十六日可於永孝殿行  
一慰神祭后妃當從以盡子婦之情欽此臣等仰惟  
皇考獻皇帝 皇妣獻皇后玄寢奉合神靈孔安  
皇上特舉慰祭恭率后妃從事此誠 聖孝純至  
彌深罔極之懷式展如存之敬者臣等謹將合行禮  
儀酌擬開坐上請伏乞 聖裁勅下本部行令各該

衙門遵行 一翰林院撰祝文太常寺恭辦牲醴香

燭制帛 一先期太常寺奏請簡命文武大臣陪拜

各具吉服 一先期一日司設監同太常寺官恭設

皇考 皇妣神座於永孝殿 一是日 上具翼

善冠黃袍率 后妃至景神殿門外 上降輿導引

官導 上由左門入至永孝殿典儀唱執事官各司

其事內贊奏就位典儀唱迎神內贊導 上至香案

前奏上香 上三上香訖奏復位奏四拜 傳贊陪拜

官同 典儀唱奠帛行初獻禮內贊導 上詣 皇考

位前奏獻帛奏獻爵訖詣 皇妣位前奏獻爵訖奏

復位奏跪

傳贊同

贊讀祝讀訖奏俯伏興平身

傳贊

同典儀唱行亞獻禮

中宮獻爵內執事官奏禮儀

同初獻惟不讀祝

典儀唱行終獻禮

上獻爵訖內

贊奏四拜

傳贊同

典儀唱讀祝官捧祝進帛官捧帛

各詣燎位內贊奏禮畢太常寺官恭遷

皇考 皇

妣御座于景神殿奉安駕還宮

本月二十二日奉

聖旨依擬

奏報

梓宮至承天祭謝神祇壇

該巡撫湖廣右副都御史等官陸杰等奏嘉靖十八年七月二十四日臣等率領都布按三司掌印及武

昌道守巡江防等官李經等恭迎 慈孝獻皇后水  
殿降臨湖廣境內 臣等謹已奏聞外入境以來連日  
順風天氣晴爽本月二十八日酉時至武昌府地方  
入漢口龍艫上流四日之間共行四百六十里隨據  
荊州府知府李元陽報稱潛江縣地方白汴舊口以  
上江灣沙衍淺澀數多集夫疏導 臣等方切憂懼忽  
聞西山大雨漢水漸增雖忙吏之愚皆知神異本年  
閏七月初六日巳時 梓宮水殿降臨承天府水次  
仰惟 皇上誠孝動天百靈効順長江之險刻日而  
渡易涸之漢新漲朝宗 臣等幸畢犬馬微勞祇襄山

陵大典理合馳奏等因奉 聖旨覽爾等馳奏恭知  
皇妣梓宮已於今月六日屆臨承天府又山雨效  
靈漢水增漲江途徑達 慈神孔安此實仰荷 天  
庥朕心今日便寧以悅爾等竭誠宣力朕知已是月  
二十六日朕詣 神祇壇祭謝照前行禮部知道欽  
此欽遵臣等切惟 慈聖舟行踰涉險遠而以六月  
入江炎風漲水逆流而上沿溯甚艱仰惟 皇上聖  
心晨夕軫慮臣等大馬下情亦抱隱憂茲者湖廣守  
臣馳奏 慈舟屆臨承天府水次式聞吉報足慰  
聖懷凡在臣工均深慶忭且江險而如涉安流漢涸



而遽增新漲靈雨應期而至載觀神異是豈人爲此  
誠 皇上至誠大孝感動天地 上帝垂庥百靈効  
順之所致也查得本年五月十三日 皇上躬祭  
天神 地祇于郊壇以祈 慈舟安利今果臻靈貺  
禮宜舉行祭謝之典臣等謹欽遵傳示太常官恭辦  
祭品脯醢酒果制帛俱照前次祈告儀行是日 上  
具常服文武百官各具吉服陪拜但昨奉 聖諭是  
日行慰神禮于永孝殿所據 駕發詣壇并永孝殿  
行禮時刻伏乞 欽定勅下本部通示百官遵行嘉  
靖十八年閏七月二十二日奉

聖旨是 永孝殿寅刻禮畢即詣 神祇壇祭謝

獻皇后祔廟大禮議

仰惟 皇上至孝尊親訃謨篤禮粵自 慈馭上僊  
諸所服制禮儀屢召勲輔禮臣環跽 榻前 面賜  
裁成曲承指授毫髮纖悉各極其當茲者又以 祔  
廟大禮爲重令臣等詳議以式後世臣等伏考 祖  
宗以來 帝后神主祔廟一節自君上以及百官皆  
具縗服將事而祔享畢復奉主出 廟仍事 几筵  
此於禮誠若有未安者臣等欽遵 聖諭謹議得禮  
有中制弗敢畧也亦弗敢過也夫天子服制旣曰以

日易月矣則制終之後日理萬幾奉郊廟命征討諸  
事悉從古典矣而間又服縗可乎昨日伏奉 聖諭  
有曰便當如制定服後皆不必遷就此至當不易之  
論也夫主以依神窀穸之事既畢有神明之道焉今  
神主還京則郊迎廟祔服用吉祭用樂斯神以事之  
之義夫廟以妥靈衾衣之設具在有時祫之享焉今  
主既祔廟則不宜復還几筵設若循舊爲之每遇廟  
享則又不免復奉几筵之主以入斯禮有龐雜之弊  
祖宗時因循舊章未暇更正而卒有待於今日所  
謂禮樂百年而後定者聖人制禮孝子事親我 皇

上兼有之矣臣等謹恭擬祔廟大禮儀注開坐上請  
伏乞聖明特賜裁定著在令典以爲後世定守臣  
等無任屏營候命之至嘉靖十八年四月二十三日  
奉

聖旨是祔廟禮必如是始正宜著爲定典遵行

獻皇后祔廟大禮儀注

該本部題稱皇妣慈孝獻皇后神主祔享皇考  
睿宗獻皇帝廟伏乞欽定吉期勅下本部遵行等因  
奉聖旨是慈主祔廟可八月七日卯刻吉便議  
來看皇后與事欽此欽遵查得本年四月二十二

日該臣等謹恭擬 祔廟大禮儀注上請等因奉

聖旨是祔廟禮必如是始正宜著爲定典遵行欽此

欽遵今復奉 明旨皇后與事仰見 皇上盡制盡

倫篤行古禮允爲萬世法程臣等謹將先次題准

慈孝獻皇后祔廟禮儀逐一恭錄併增 中宮亞獻

一節開坐上請伏乞 聖明俯覽重賜裁定勅下本

部通行內外各衙門欽遵施行 嘉靖十八年八月

初七日卯刻 慈孝獻皇后神主祔享太廟禮儀

一初四日太常寺奏祭祀初五日爲始致齋三日

一初五日遣官以祔享告 太廟 列聖群廟合用

大臣九員及祭日捧 各廟神主大臣八員伏乞欽  
命 一文武官俱照例陪祭 一 中宮皇后率皇  
妃皇嬪助行亞獻禮合用文官四品以上武官三品  
以上命婦陪拜列東西近兩廡稍北障以帷幙俱初  
七日丑刻由東安門進入 太廟俟候 一太常寺  
官設牲醴于 太廟如時祫儀司設監設 慈孝獻  
皇后神座于 太廟 睿宗廟錦衣衛設儀衛于午  
門外是日早內執事官設酒饌于慈寧宮設 慈孝  
獻皇后衣冠于几筵前進神主輿于殿前設衣冠輿  
于丹陛上設 上拜位于几筵殿上正中 上常服

內導引官導 上詣拜位奏四拜興立于拜位之東  
西向內侍官詣靈座前跪奏請 慈孝獻皇后神主  
降座陞輿詣 太廟祔享奏訖 上捧神主由殿中  
門出奉安于輿內執事官捧衣冠置于輿後隨內侍  
擎繖扇如儀 上至右順門具祭服陞輅後隨文武  
百官不係陪祀者俱具朝服於金水橋南跪迎神主  
輿候 駕過退至 太廟南門各廟遣官捧 列聖  
帝后主以次奉安訖 上降輅太常寺官導 上詣  
輿前奏跪 上跪太常寺官跪奏請 慈孝獻皇后  
神主降輿奏摺主 上摺主捧神主出輿由中門入

內侍官捧衣冠隨入至廟丹陛上典儀唱樂舞生就位執事官各司其事唱迎神奏樂典儀奏 慈孝獻皇后謁廟 上捧神主入內侍官捧衣冠隨入內贊奏就位 上捧主就位安主于拜褥上內贊奏出主奏跪 上跪太常寺卿跪奏 孝玄孫嗣皇帝御名躬奉 皇妣慈孝獻皇后祔廟恭拜內贊奏興拜五拜三叩頭禮 上代拜奏搢圭 上捧王朝上立太常寺卿唱賜座 上捧主安于 睿宗廟神座內贊奏出主奏復位導引官導 上至香案前司香官捧香跪進于 上左內贊奏跪 上跪奏搢圭奏上香



三上香訖奏出主奏復位樂止內贊奏四拜興平身

傳贊陪祀官同典儀唱奠帛行初獻禮奏樂導引官

導上至太祖神位前奏搢圭奏獻帛獻訖奏獻

爵獻訖詣高皇后神位前奏獻爵獻訖奏出主奏

復位各廟捧主官捧帛爵詣各廟獻訖詣讀祝位內

贊奏跪贊讀祝讀祝官讀訖奏俯伏興平身傳贊同

奏復位樂止典儀唱行亞獻禮奏樂女官奏禮中

宮獻太廟爵皇妃八氏獻八廟爵儀同初獻惟

不讀祝樂止典儀唱行終獻禮奏樂儀同亞獻太常

寺卿進立西向唱賜福胙光祿寺官捧福酒胙內贊

奏跪奏搢圭光祿寺官以福酒跪進內贊奏飲福酒  
上飲訖光祿寺官以福胙跪進內贊奏受福胙

上受訖奏出主俯伏興典儀唱徹饌奏樂執事官徹  
饌訖樂止太常寺卿跪奏禮畢請還宮樂作內贊奏  
四拜興平身

傳贊同

樂止典儀唱讀祝官捧祝進帛

官捧帛各詣燎位樂復作內贊奏禮畢樂止上捧

太祖主各捧主官捧各廟主詣各廟奉安于寢

殿捧睿宗主官同內侍官捧慈孝獻皇后主出

太廟門外奉安神輿還睿宗廟太常寺官奏請

降輿奉安禮畢上還宮鼓吹振作

再擬 獻皇后祔廟捧主儀

本月初七日恭遇 皇妣慈孝獻皇后神主祔享

太廟該臣等於今日同太常寺官并各捧主官恭詣

太廟演禮間臣等思得昨奉 聖諭亞獻不必妃

御助止朕與 中宮獻 太廟爵 入聖前仍各捧

主官行臣等議得昨者恭上 皇祖冊禮 中宮妃

御亞獻執事等官俱退避幙次今 皇上與 中宮

同獻 太廟爵各捧主官必須候 皇上獻畢 中

宮復位後方詣 入聖前獻爵臣等誠恐臨期叅錯

失禮理合題請 欽示遵行嘉靖十八年八月初五

日奉

聖旨是如此有些不齊還用妃嬪行禮朕已簡定八氏了

陵廟禮終請行奉慰禮

茲者恭遇 皇妣慈孝獻皇后歸祔 顯陵閏七月二十五日奉闔玄寢本月初七日奉主升祔 皇考睿宗獻皇帝廟臣等仰惟 皇上純孝爲親顧於終禮之大殫力竭思旣踰一載茲乃山陵事畢 二聖妥萬年之安於是嚴崇祀之儀舉躋祔之典 皇上事親之禮至此可以無遺憾矣 慈恩罔極 聖衷

思慕未平然服制已遠歲月漸更抑情徇禮尤所以  
爲聖人之大孝也臣等下情謹擬於初八日早恭請  
皇上具常服御奉天門文武百官各吉服致詞行  
禮以伸臣子慰安之敬伏乞 聖明俯賜俞允臣等  
不勝惓惓嘉靖十八年八月初六日奉

聖旨卿等以奉慰禮言但朕在少理免行

甄別梓宮經過沿途官員功罪

該 欽命奉侍內官司禮監太監等官鮑忠等題臣  
等欽承簡命恭奉 慈孝獻皇后梓宮由水路南祔  
顯陵節奉 勅諭內開如有慢令誤事者許爾指

實叅奏處治欽此欽遵臣等謹將各官有罪者以次  
查究有勞者以等而甄錄等因奉 聖旨你每說的  
是這誤事并有勞官員着禮部便甄別查叅來說欽  
此臣等竊惟 皇妣獻皇后梓宮南祔 顯陵經過  
水程俱先該本部恭擬一應事宜題奉欽依行移各  
該地方撫按官員通行曉示去後各該大小官員所  
宜仰體 聖孝恪共大事乃臣子職分之常也而各  
官勤惰不一應合甄別以警將來所據太監鮑忠等  
舉奏各官前因中間效勞宣力者功固可錄而慢令  
誤事者法豈能容惟是職守有小事體有難易則

功罪有輕重臣等竊謂諸臣迎護之勞以地方而言湖廣乃我二聖陵寢之地建造特重供億爲繁似當首論其次江途艱險南直隸諸臣次之河路經過江北直隸山東并北直隸諸臣又次之以職守而言職專統理事出剴裁撫按官當爲首論分理協濟藩臬諸司次之臣等謹奉旨甄別有功官員如督工太監袁亨工部左侍郎顧璘首董大役恭建玄宮工速材良勤勞懋著巡撫湖廣右副都御史陸杰撫治鄖陽右副都御史王以旂巡按御史朱簾姚虞克稱重任罔不周詳以上四臣勞績居最當爲一等鎮守

太監張泰守備太監傅霖鎮守總兵官新寧伯譚綸  
當爲一等右布政使馮時雍左叅政陳煥右叅政陳  
則清右叅議胡松副使汪堅宋宜周禪僉事魏良輔  
孫雲承天府知府李士翱署都指揮李經當爲一等  
以上諸臣分理庶務均屬勤勞此有勞於湖廣舊邸  
者也南京操江都御史簡霄已聞罷革尤謹護行同  
御史胡賓隨侍於承天涉歷險遠勤誠匪懈巡按御  
史邢第迎送調度事皆綜理以上當爲一等公差御  
史馮天馭楊瞻王惟紹錢籍所隸地方廣濶自江行  
直抵安慶護送效勞當爲一等此有勞於江路經過



者也巡撫鳳陽左都御史周金巡按御史吳悌漕運  
總兵官鎮遠侯顧寰叅將李節巡撫山東右副都御  
史曹蘭巡按御史周鈇當爲一等左叅政底蘊按察  
使呂陶副使張邦教知府呂顥知州鄭玟以上諸臣  
謹護龍舟過閘渡淮俱有督率之勞當爲一等此有  
勞於河路經過者也巡撫順天右僉都御史張漢巡  
按御史金清巡撫保定右僉都御史劉隅巡按御史  
陳脩公差御史黃綬舒汀周南陳豪樊得仁王達兵  
備副使王鳳靈於敖知府邵相盡心幹理風動前途  
當爲一等而順天地方梓宮發程伊始百爾督辦張

漢金清經畫尤詳其勞勩又在諸臣之上此首勞於  
畿內者也以上諸臣或獎勵璽書以示優異或賜資  
金帛而分等差臣等不敢擅擬伏乞 聖裁及該

臣

尚本年八月二十日於南郊欽奉 面諭 慈舟經

行江險其畫策鑿山寄纜官員應合獎賞但今奏內  
未見開具各官職名無憑查議合無再行南直隸撫  
按官疏名上請以俟 聖裁其有罪官員

臣

等查得

數內巡江御史黃正色湖廣左叅議朱子恭副使張  
惟恕俱節奉 明旨拏問知縣高祉蘇楨俱着為民

難以別議外叅照楊州府高郵州知州鄧誥因公科

欽臨祭在逃情罪特重所劾科歛數多合行彼處撫  
按衙門勘實奏請定奪知縣李玩吏目何應奎承委  
協濟水手夫役全無其怠玩闖茸可知應合即行黜  
革專管夫船副使管懷理知府孫鑾康河綜理無方  
縱吏行賄雖已經駙馬崔元提問該吏而各官情罪  
應合通行提問究治通判畢竟恭耿朝用丁律葉思  
齊運同蕭珩右叅政吳章知府吳至梁建辰同知董  
鳴鳳知縣程燦藍因祝繼英司供應而俱坐失事之  
愆副使屠大山知州陸時望知縣孫燦黃霽周仕陳  
光華王士翹照磨張炫辦祭祀而均有苟簡之罪知

府陸岡鄧繼曾知縣高節趙春王有南縣丞谷世用  
各因不能禁戢下人逞兇喧擾以上各官事雖不一  
罪責惟均通合勅下各該巡按御史嚴提問擬明白  
奏請發落其巡撫應天都御史歐陽鐸職任臺憲重  
臣乃於水手逃竄不行究治實難辭責但事體稍輕  
及奏內開稱本官迎送恭勤功過相準似應量加罰  
治山東布政使劉士奇雖准致仕尚未離任不行迎  
送梓宮委屬怠玩相應革職閒住以爲臣下臨事  
避難之戒臣等奉命甄別查叅據事核真不敢飾隱  
伏乞 聖明詳定特賜 宸斷勅下欽遵施行嘉靖

十八年九月初四日奉

聖旨這効勞并有罪官員你每既甄別停當袁亨顧  
璘各賞銀三十兩紵絲二表裏陸杰王以旂朱麓姚  
虞各銀二十兩紵絲二表裏張泰傅霖譚綸各銀二  
十兩紵絲一表裏馮時雍陳煥陳則清胡松汪堅宋  
宜周釋魏良輔孫雲季士翺李經各銀十五兩紵絲  
一表裏簡霄胡賓邢第并馮天馭楊瞻王惟紹錢籍  
各銀十兩周金吳悌顧寰李節曹蘭周鈇并張漢金  
清各銀十五兩紵絲一表裏劉隅陳脩黃綬舒汀周  
南陳豪樊得仁王達底蘊呂陶張邦教王鳳靈於敖

呂頤邵相鄭致各銀十兩紵絲一表裏管懷理鄧誥  
等都依擬着各該巡按御史嚴提問罪歐陽鐸既迎  
送効勞姑罰俸一箇月劉士奇着革了職爲民

奉 諭查覈 梓官江行畫策官員

該巡撫應天等府地方都察院右副都御史歐陽鐸  
題內開准本部咨該

臣 蔣欽奉

面諭

慈舟經行

江險其畫策鑿山寄纜官員應合查明旌賞欽此該  
臣 鐸會同巡按直隸監察御史邢第查得撫屬沿江  
地方若人頭望夫馬鞍采石等磯極爲峻險蓋左則  
水勢洶湧右則山形斗峭不可駐足昨該太平府同

知梅山首謀知府路珠適至當塗縣知縣姜沂協贊  
畫鑿山寄纜之策舟楫始有攀循之地其蕪湖等處  
設法實自山等啓之等因奉 聖旨該部知道臣等  
看得都御史歐陽鐸御史邢第題稱查勘過鑿山寄  
纜官員一節爲照 皇妣慈孝獻皇后梓宮南祔  
顯陵舟行神護寔惟我 皇上孝誠所致其江路官  
司効勞皆臣子常分惟是磯濤峻險之處各官畫策  
鑿山維舟而上其能勞稍爲殊異頃者奉有 聖諭  
欲加旌賞仰見 聖慈俯念臣勞至意今該彼處撫  
按官具題前來所據旌賞伏乞 聖裁嘉靖十八年

十二月初七日奉

聖旨各官畫策鑿山維舟濟險忠勤可嘉梅山陞一級路珠姜沂陞俸一級還各賞銀十兩紵絲一表裏  
請乞 欽定 獻皇后祥祭儀

嘉靖十八年十二月初四日恭遇 慈孝獻皇后周年查得 孝貞純皇后周年事例是日几筵殿有祭祀 上位一壇 皇太后 皇后皇妃公主親王妃各一壇各王府差官詣陵共祭一壇及在京文武衙門分官詣陵致祭等因 臣等爲照國家凡遇帝后喪周年之期几筵殿例有前項祭祀今我 皇上釐正



典禮 皇妣獻皇后神主升祔于廟所據 獻皇后  
周年禮儀合無於是日免朝恭請 皇上具青服躬  
詣 永孝殿致祭公侯駙馬伯文官三品以上大臣  
各具青服陪拜其 顯陵祭告合無欽遣勲戚大臣  
一員恭捧祝帛前去行禮惟復別有定奪及照各王  
府差官致祭應合照例俱詣 顯陵均乞 聖裁勅  
下欽遵施行嘉靖十八年九月二十二日奉  
聖旨 皇妣二次祥祭朕同后妃詣几殿 慈容前  
致祭一壇 顯陵之遣少待各王府着照例差官詣  
陵致祭仍着奏聞

南宮奏議卷第九

南宮奏議卷第十目錄

大狩一

車駕巡幸承天禮儀

再定巡幸禮儀

東宮監國事宜

望祭北嶽儀

題親王朝見致詞總兵等官戎服迎駕

經過地方親王朝見儀

欽定儀

請遣官致祭經過古帝王等祠廟

南宮奏議卷第十

鈴山堂集五十

大狩一

車駕巡幸承天禮儀

嘉靖十八年正月二十六日欽奉 勅諭禮部朕惟孝子之事親送終爲大矧陵寢所在體魄攸居必求允臧庶親安而人子之心亦安且盡矣 皇考顯陵昔者建造狹隘雖嘗增修猶多未稱茲朕恭詣陵下與諸左右大臣周閱山川更卜吉兆重建玄宮以妥 皇考 皇妣神靈於無窮以昌厥後永綿胤祚於萬世朕親擇於二月十五日子時發京前期五日

朕親奏告 皇天子玄極寶殿及 太祖廟 睿宗  
廟分遣大臣祭告 北郊 五祖 六宗太帝二社  
稷朝日等四壇所有合行事宜爾禮部會同在廷群  
臣詳議即便開具奏來處分故諭欽此臣等仰惟  
皇上以 先皇帝神寢經制未備 聖心不安茲者  
恭遇 慈聖上仙圖襄大事特勤 聖駕親詣 顯  
陵將以協謀神人更卜吉兆奉 二聖以妥靈永萬  
年而裕後此聖人慎終慮遠之孝之大也而 輦輅  
所經省察風俗秩祀山川存恤高年旁求遺逸或問  
民疾苦以宣布德澤或稽覈吏治以彰寓勸懲又兼

舉古昔王者巡幸之政之大也非聖不世出其曷克  
臻茲<sub>臣</sub>等欽遵 勅諭會同五府九卿科道等官并  
錦衣衛官本月二十七日於左闕門將合行事宜公  
同詳議除各該衙門各另具列奏請謹將合行禮儀  
恭擬開坐上進伏乞 聖明裁奪施行本月二十八  
日題奉

聖旨依擬祭陵用吉服 續奉 面諭發京更二月  
十六日寅時

再定 巡幸禮儀

先該本部遵奉 勅諭恭擬 聖駕巡幸承天合行

禮儀開坐上進節奉 聖旨依擬欽此昨者臣嵩復  
奉 面諭巡幸禮儀合再更正為此欽遵謹將先次  
儀注稍加更正上進 御覽伏乞 聖明再加詳定  
勅下遵行其 駕入承天府告祭等項禮儀候至彼  
處另行擬請 一十一日辰時 上親奏告 皇天  
于玄極寶殿畢同日告聞 皇祖太廟 皇考睿宗  
廟遣官分告 北郊 成祖 列聖群廟 太社稷  
帝社稷朝日夕月天神地祇合行大臣十四員伏  
乞欽命 一行事俱用祭服太常寺備合用脯醢酒  
果制帛翰林院撰各項告祭文 一輟祭于承天門

遣官祭旗纛之神俱用牲醴制帛三獻如常儀一  
駕發出正陽中門 后妃輦轎後隨錦衣衛恭設欽  
製武陳駕備輦輿儀仗等項扈行本衛揀選精壯旗  
校八千人內以六千人專管擡奉 上坐輿輦以二  
千人專管擺執駕儀及一應正直巡綽傳宣等用選  
委千百戶一百二十員分投管理各分撥班接替行  
太僕寺調取寄養馬三千匹充給各旗校令其更迭  
騎坐以紓困乏錦衣衛前驅使率領本衛千百戶等  
官先期前去肅清道路 一簡命武職重臣二員留  
守北京兵部尚書一員叅贊機務各請勅行事文職



大臣二員總督整飭宣大等處軍務提督薊州山海關等處地方邊備各請勅行事文職重臣一員往遼東薊州宣大鴈門固原等九邊閱視邊備戶部齎銀若干隨帶前去勞賞官軍請勅行事兵部奏請 皇城四門京城九門 大明門外兩邊合用守門文武大臣各一員坐邊官侯伯二員增設守門官軍用科道官點閱京城內外巡捕官軍除舊有外合行團營再選有馬官軍三千員名分爲兩班酌派五城地方與同舊有官軍巡邏仍選委坐營官及各提督把總等官晝夜巡捕安定門各土城外及鄭村壩大黃莊

居庸關白羊口六處地方該營揀選有馬官軍每處一千員名分爲兩班輪流下營防守安定德勝門土城各用東西官廳聽征總兵官一員其餘各用叅將一員統領下營紫荊倒馬二關保定撫鎮官揀選精銳有馬官軍每關一千員名分爲兩班每月輪流下營守把各委坐營官一員統領下營 一兵部於團營東西官廳御馬監勇士內揀雇駕官軍六千員名給兌馬匹執武陳駕儀一千人總兵官一員領之駕前後各二千人叅將二員領之駕左右各五百人翼駕行左右副將軍領之及行文沿途撫按等官調撥

屯駐及扈駕軍馬戶部請勅命侍郎一員率屬官六員帶領太倉銀三十萬餘兩先期前去沿途整理官軍糧料工部行文原奉勅郎中同內官監督理沿途橋道及行宮席殿禮部行南北直隸浙江等十三布政司凡有緊要重事俱達行在所奏聞其餘事務俱達在京通政使司照常封進各該衙門啓請皇太子令旨行其事有疑礙者各差人赴行在具奏取旨各處拜進表箋文除歲例等項赴在京禮部照常類收啓請司禮監官捧進其特賀大禮不係常典者原差人恭詣行在投進一扈從官五府堂

上官各一員首領官五員吏五人吏部堂上官一員  
文選等四司官四員辦事官六員吏六人戶部堂上  
官二員浙江等十三司官十三員辦事官二員吏十  
三人禮部堂上官二員儀制等四司官六員鑄印局  
官一員辦事官六員儒士三人吏十二人鑄印匠四  
人兵部堂上官一員武選等四司官六員辦事官一  
員吏六人刑部堂上官一員浙江等十三司官十三  
員辦事官一員吏十三人工部堂上官二員營繕等  
四司官十員辦事官二員吏十人都察院堂上官二  
員浙江等十三道監察御史二十六員辦事官四員

吏十三人通政司堂上官二員守領官一員辦事官  
二員吏二人大理寺堂上官一員左右寺官二員辦  
事官二員吏二人太常寺堂上官六員首領官二員  
屬官十員吏二人執事人役四十人厨役三十人光  
祿寺堂上官二員四署官四員吏四人厨役二百人  
太僕寺堂上官一員首領官一員吏一人鴻臚寺堂  
上官俱從司賓司儀各一員鳴贊四員序班十六員  
通事四員翰林院堂上并講讀等官四員 內閣制  
勅誥勅二房官共二十員譯字官生四人吏十人尚  
寶司官四員吏一人六科給事中十二員吏六人中

書舍人一員吏一人行人司行人十員吏三人太醫院堂上官五員御醫吏目八員 聖濟殿醫士選帶三分之一吏二人欽天監堂上官一員博士等官八員天文生陰陽人共十人吏一人教坊司奉繼韶舞司樂八員俳色長樂工二百人扈從文武內外官及各項人役合用夫馬驢騾車輛廩給口糧各項應付事宜兵部定擬奏請轉行在外有司一體應付內府印綬監收貯 行在衙門印信關防本部領出給付各扈從官使用尚寶司給領文武字樣牙牌一駕發留守大臣率在京文武衙門官員各具吉服

先期恭赴宣武門外彰義關候送 駕駕過退扈從  
官員分程先行在途俱免朝叅候駕禮兵二部鴻臚  
寺太常寺科道糾儀官俱從行光祿寺隨路預辦  
御膳酒飯供具凡遇 行宮進膳處所各該撫按守  
巡兵備等官選委精壯官軍披帶盔甲器械拱衛  
乘輿不許喧譁錯亂違者聽錦衣衛即時具奏拏問  
扈駕官軍戶部給散行糧工部辦鍋竈不許分外索  
害有司及入民舍混擾違者許被害之人赴撫按衙  
門告治仍行隨駕緝事官校訪拏重治各該軍衛有  
司不許分外科取歛民違者聽撫按官體訪指實叅

究重沿各衙門跟隨吏書人等各照兵部原行關文  
於軍衛有司驛遞衙門應付不許分外多索其應付  
衙門亦要即時應付毋得遲誤違者俱所在官司告  
治經過駐劄地方原有商賈店鋪開賣飯食等物照  
常市貿不許躲避亦不許從駕人員用強輕價勒買  
違者許被害之人即時告治兵部咨行各該巡撫官  
預先出給榜文曉諭 一經過處所真定望祭北嶽  
恒山之神衛輝遣官祭濟瀆之神鉞州望祭中嶽嵩  
山之神滎澤祭河神南陽遣官祭武當山之神沿途  
古帝王聖賢忠臣烈士祠墓禮部查訪預期奏聞遣



官致祭嶽瀆用太牢次用少牢又次脯醢酒果一  
各處撫按并三司官俱於所屬境上候 駕先赴鴻  
臚寺報名 駕至行宮各具吉服朝見所過府衛州  
縣官吏生員耆老人等俱于三十里外候迎道傍跪  
叩頭 駕過退 駕至行殿鴻臚寺引見俱五拜三  
叩頭禮 一各處近路王府許親王具常服預先出  
城候 駕駕至跪迎道傍 駕過退 駕至行殿王  
具朝服見行五拜三叩頭禮畢 上賜宴勞光祿寺  
備宴席給領其餘宗室俱免出迎不許擅離府第二  
月初七日節奉

聖旨依擬百官迎送但立而已親王更不可跪諸路側從官不許索取諸物有司不許私媚奉事有犯科道官不舉或厥衛看奏或體訪得出皆罪不宥

### 東宮監國事宜

二月初一日欽蒙 皇上召見勲輔臣勛臣希忠臣

言臣鼎臣禮部尚書臣嵩於 文華殿 面諭

東宮監國事宜令臣等會官議擬來聞欽此臣等仰

惟 皇上豫建 儲宮茂崇國本茲者 車駕巡幸

承天特以京師爲重循監國之彝章篤保安之至計

此誠 聖神許遠之謨 宗社熙明之福也臣等謹

於本月初二日於東閣會同叅酌議擬開坐上請仰  
乞 聖明裁定勅下各該衙門欽遵施行 一東宮  
朝駕儀仗等件勅內府各該衙門恭行造辦請勅欽  
命輔臣一員居守京師保護 皇儲一應軍國機務  
悉聽啓行凡在京文武衙門遇有內外軍機各王府  
緊要重大事務悉奏請處分其有各處啓報聲息即  
調邊軍剿捕仍遣人馳赴 行在所奏聞 一皇城  
四門京城九門守衛圍宿比常時皆湏增撥官軍留  
守武職大臣同叅贊尚書仍每日操閱軍馬如各衙  
門稱奉 令旨調遣官軍及處分事務所司湏覆啓

施行五府九卿各衙門凡有緊要重事俱達 行在所奏聞其每月進繳精微監生考勤宴賞鈔錠官軍俸糧及五府比試等項俱照常具啓行 一祭祀凡遇享 宗廟及祀典神祇 皇太子攝祭至期太常寺啓請取 令旨遣官行禮 帝后忌辰祭祀俱具啓行 一各處拜進表箋文特賀大禮不係常典者原差人恭詣 行在所投進其進貢 中宮 東宮箋文俱在京禮部類收司禮監官捧進各王府進獻孝慈獻皇后香并南京進香官朝鮮國弔使禮部啓請命司禮監官捧進 凡筵照例給賞綵段鈔錠

一吏部會推在京各堂上官六科都給事中在外  
方面官知府俱行在吏部奏請擢用其大選急選并  
取選遠方監生及考滿復職等項俱循例具啓行

一各處王府請給誥命勲臣襲爵歿後追封兩京堂  
上官贈謚公侯伯内外文職官員請給誥勅兩京三  
品以上官廕子各處土官襲職俱行在吏部奏行其  
官吏人等丁憂查放起復官員付選查題散官等項  
俱照常啓行 一兵部推補兩京五府錦衣衛在外  
總兵叅將各都司掌印僉書俱奏請擢用其大選軍  
職查黃續黃官舍襲替優給土官襲替及保用通事

把事隨司辦事長官等項俱具啓裁度各處奏報邊  
功應該覈勘及勘明應該陞賞等項俱啓行 一在  
外撫按官劾奏不職文武官文官方面以上武官叅  
將以上奏聞待報 一京衛軍士冬夏布絹及邊衛  
軍士冬衣布花襖但係年例給賞等項錢糧該衙門  
啓請行在京各邊鎮遇有緊急調用馬匹啓請調取  
允用 一在京各衙門赴 行在奏事人員俱兵部  
啓請給關應付 一各王府奏訴重情辯復爵位祿  
米者俱詣 行在所奏聞其請名請封請婚等項在  
京具啓行 一天下歲貢生員到部者該部查照廷

試事例啓請行四夷朝貢人員到京一應賞宴該部  
查照事例啓請循例行 一法司問擬罪犯除重囚  
奏請待報其餘輕罪悉具啓決放 勅諭審錄矜疑  
罪囚例該覆題及京官武職犯事例該叅提俱奏請  
定奪凡内外大小官員有犯具啓准問者問之若所  
犯情重該衙門具由奏請待報 一都察院點差各  
處巡按御史具奏行在餘差俱啓行中間有推奸避  
事賊濫不職者具奏 一通政司每日收過奏題本  
照常封進下科發抄各衙門啓行其事有疑礙難行  
者各衙門差人赴行在取旨 一大理寺審錄罪囚

詳擬罪名千係生殺并提問大小京官具奏其每月  
繳刑部都察院問過囚犯奏本照常啓行俱送科備  
照初五日奉

聖旨都隍議祭祀條止以 忌辰陵祭群常典祭啓  
行 郊廟社稷之祀候勅命行

望祭北嶽儀

嘉靖十八年二月二十二日恭遇 聖駕駐蹕真定  
府先該本部具儀駕至真定望祭北嶽恒山之神已  
經奉有欽依外所據望祭禮儀相應題請合候命下  
行令所司欽遵施行 一翰林院撰祭文太常寺備



辦香燭制帛 一祭用牛犢羊豕等品物有司出辦  
太常寺官督理 一次日質明 上具常服行禮如  
常儀五府九卿巡撫大臣吉服陪拜奉

聖旨是

題親王朝見致詞總兵等官戎服迎駕

臣等忝備禮官恭扈 聖駕一應禮儀已經本部具

擬題奉欽依外其該載未盡者臣等理合次第題請

以俟 聖裁臣等思得親王朝見當致詞以伸迎謁

之敬合無候 上御行殿文武大臣侍班鴻臚寺官

引王至拜位立定鴻臚寺官代致詞畢贊五拜三叩

頭禮而退 上降旨慰勞王并賜宴席庶禮體既嚴而恩亦周浹伏乞 聖裁<sub>臣</sub>等又見得各該副總兵守備等官迎駕各具常服於禮體未宜<sub>臣</sub>等嘗考唐制遣使詔諭藩鎮其鎮帥雖三公之官必戎服纓鞶郊迎蓋重王命如此况今 萬乘親行將佐迎見而可常服乎記曰介冑之士不拜言以軍禮見也合候命下行令各該總兵以下及河南湖廣都司官迎接聖駕各要披戴盔甲拱立道旁候駕至行殿方具吉服隨班朝見庶 皇威以肅而武備亦嚴飭矣

經過地方親王朝見儀

該臣等具題 車駕巡幸經過地方親王朝見禮儀  
已經奉有欽依外今該趙王厚煜奏稱乞要扶疾朝  
見等因 臣等看得趙王所奏具見能盡事上之忠相  
應俯從所請 臣等謹將前項儀注合再備儀上請恭  
候命下行令該府輔導內外等官啓王知會遵行以  
後經過王府一體遵照施行 一駕將至王具常服  
預先出候 駕駕至立迎道旁駕過退 上至行殿  
少憩王具朝服候 上御殿文武從官東西丹墀侍  
班欽命隨駕文武大臣六員殿內侍班鴻臚寺官引  
王由殿左門入至拜位立定鴻臚寺官跪于王左少

前代致詞訖贊五拜三叩頭禮畢鴻臚寺官引王仍  
由殿左門出 上傳旨慰勞王賜宴席王具本謝恩  
二月十五日奉

聖旨王朝見儀候降示 十七日奉

聖諭

一凡親王迎接去處着翊國公郭勛成國公朱希忠  
京山侯崔元輔臣夏言禮卿嚴嵩夏卿王廷相左右  
從行并王朝見處殿內侍班

欽定親王朝見儀

一凡諸王迎接已命文武大臣侍于途王於道傍拱

立文武大臣下馬侍 上左右禮部尚書跪奏云某  
王某恭迎 聖駕見內侍官引王至 駕前跪行叩  
頭禮禮部尚書進立于 上前候旨承旨訖起立傳  
旨示王隨行至行宮 上入少憩王具冕服欽定文  
武大臣于殿內左右侍從從官于丹墀東西侍班候  
上陞座鴻臚卿引王由殿左門入至拜位贊行五  
拜三叩頭禮畢內侍官引王於別次少候從官叩頭  
如常儀鴻臚卿跪奏禮畢

請遣官致祭經過古帝王等祠廟

先該本部具儀 車駕巡幸經過地方古帝王忠臣

烈士祠廟查訪致祭已經題奉欽依外查得彰德府等處沿途所有古帝王忠烈祠廟理合逐一開坐上請伏候 聖裁各頒降香帛祝文遣所司守吏致祭以彰 聖明崇德表賢之典 一彰德府湯陰縣周文王廟在縣北一十里廟後方城即姜里文王居此演易處合遣官祀以太牢 岳飛廟在縣治飛宋將湯陰人也史稱飛忠孝出于天性志欲滅金恢復宋室 本朝建廟 賜額精忠勅有司春秋致祭合遣官祭用少牢 一衛輝府濟源縣濟瀆之神合遣官祭用太牢 一滎澤縣 上親祭河瀆之神奉有

欽定以二十九日酉刻行事 一紀信祠在縣西二十五里漢高祖時人 本朝正統三年追封信爲榮澤侯謚忠烈命有司春秋致祭合遣官祀以脯醢

一鈞州 上望祭嵩山之神 一裕州漢光武廟在

州東北帝起舂陵至新野由南陽討河朔駐兵于此合遣官祀用太牢 一南陽府諸葛草廬在城西南七里卧龍岡上即孔明所居今立廟有司每歲春秋致祭合遣官祭以脯醢 一武當山在鈞州治合遣官致祭用牲犢 一襄陽府羊祜廟祜晉人鎮襄陽有遺愛今廟在峴山合遣官祀以脯醢嘉靖十八年

二月日

南宮奏議卷第十



南宮奏議卷第十一目錄

大狩二

龍飛殿奏告 上帝次祭國社恭謁 顯陵及

頒詔表賀等儀

請從官朝服詞賀

再請表賀

題叅伊王不行躬迎 聖駕

詔免承天田租撫按等官率官生耆民人等上

表謝 恩儀

面諭承天百姓

進繳面諭 御筆帖

回鑾請免諸王朝見

慶都縣堯母陵祀覆議

請刻布 御製南巡諸什

擬上 大駕旋京奏謝 郊廟及百官表賀儀

回鑾奏謝并慶賀儀

恭擬承天府城樓名扁

南宮奏議卷第十一

鈴山堂集五十一

大狩二

龍飛殿奏告 上帝次告國社恭詣 顯陵及  
頒詔表賀等儀

嘉靖十八年三月十三日節該欽奉 聖諭朕躬事  
孝親于慎終之典已臨舊邸仰戴 天眷宜即恭行  
奏告禮于行在不可少緩仍用原擇之吉日子刻行  
事次詣 國社等二壇祭告次日恭謁 顯陵二十  
日詔告中夏欽此 臣等謹按古者天子巡狩所至則  
祀天誠以人君爲天之子出往遊行必與天俱是故

禮于上帝則有升中禋燎之儀懷于百神則有茅莝  
表望之禮仰惟 皇上祇謁 顯陵躬巡楚服仰承  
上帝眷懷之重百靈呵護之嚴展祀之儀誠不可  
緩矧今承天舊邸乃我 先皇帝肇封基命于此  
皇天眷命篤生 大聖人于此非群方下國之比我  
皇上親卜吉辰奏告 皇天奉 皇考以配至誠  
大孝真足以歆慰 天親宣揚休烈甚盛舉也其  
國社山川諸神雖爲藩祀要皆毓秀降靈奉 天佑  
聖功德駿隆爰申崇報於禮允宜臣等謹遵 欽  
定吉日恭擬奏告等儀及躬詣 顯陵 詔告中夏

百官表賀逐一開坐上請伏乞 聖裁勅下施行

一翰林院撰合用告祭文太常寺備各牲醴脯醢制

帛 一告祭山川壇合用文武大臣四員上香分獻

行禮伏乞欽定 一十一日 駕入承天府之舊邸

少憇十二日太常寺奏祭祀 上御龍飛門百官吉

服侍班行叩頭禮自十三日爲始致齋三日 一十

五日禮部率太常寺官恭詣 龍飛殿丹陛國社山

川等壇各陳設 一十六日 上具祭服恭詣龍飛

殿丹陛行告祭禮文官五品以上武官四品以上六

科都給事中俱具祭服餘官俱吉服陪拜 上至丹

陸典儀唱樂舞生就位執事官各司其事內贊奏就位  
上就位典儀唱迎 帝神內贊導 上詣香案

前奏拵主奏上香 上三上香訖詣 配位香案前

儀同奏出主奏復位奏四拜興平聲傳贊百官同典

儀唱奠帛行初獻禮內贊奏詣 神御前奏拵主奏

奠玉帛奠訖奏獻爵獻訖內贊奏詣讀祝位奏跪傳

贊同贊讀祝讀祝官讀訖奏俯伏興平身傳贊同詣

配位神御前儀同奏出主奏復位唱行亞獻禮儀

同初獻惟不奠帛讀祝唱行終獻禮儀同亞獻典儀

唱送 帝神內贊奏四拜興平身傳贊同典儀唱讀

祝官捧祝進帛官捧帛各詣燎位唱望燎內贊奏詣  
望燎位燎半奏禮畢 上更皮弁服詣 國社壇行

告祭禮典儀唱執事官各司其事內贊奏就位 上  
就位典儀唱迎神內贊導 上詣香案前奏拈主奏

上香 上三上香訖奏出主奏復位奏二拜興平身

傳贊百官同

典儀唱奠帛行初獻禮內贊奏詣神位

前奏拈主奏奠帛奠訖奏獻爵獻訖奏出主贊讀祝

讀祝官讀訖唱行亞獻禮

儀同初獻惟不奠帛讀祝

唱行終獻禮

儀同亞獻

唱送神內贊奏二拜興平身

傳贊百官同

典儀唱讀祝官捧祝進帛官捧帛各詣

燎位內贊奏詣望燎位燎半奏禮畢 上詣山川壇

行禮

儀同前

一十七日恭謁

顯陵太常寺前期

陳設牲犢酒醴香燭制帛是日

上具常服詣陵由

陵左門入殿左門內贊奏就位奏上香奏四拜奏奠

帛行初獻禮贊讀祝奏跪讀祝官讀畢奏俯伏興平

身奏行亞獻終獻禮如儀奏四拜焚祝帛禮畢 一

從 駕官及撫按等官俱吉服陪拜 一二十日上

表稱賀及頒詔前期一日鴻臚寺陳設表案詔案于

龍飛殿中錦衣衛設隨朝駕儀及迎詔綵輿香亭

于丹墀教坊司設中和韶樂百官各具朝服地方官



吏師生耆老人等俱隨班行禮是日早鳴鐘鼓上  
具冕服御後殿執事官行禮畢上陞殿鳴鞭欽天  
監官唱時鴻臚寺贊入班贊四拜興平身唱宣表目  
宣表目訖唱宣表宣表官宣訖贊俯伏興贊四拜興  
贊頒詔翰林院官捧詔授禮部尚書捧詔置雲盤內  
叩頭興由殿中門出置綵輿內錦衣衛官校舉輿教  
坊司鼓樂前導百官趨出候于龍飛門外鴻臚寺  
贊入班行四拜禮贊跪宣詔畢贊俯伏興搢笏贊舞  
蹈山呼出笏贊四拜興平身禮畢禮部尚書捧詔出  
膳黃奏差行人等官頒示天下嘉靖十八年三月十

五日奉

聖旨山川壇不必分獻表賀不必行只須詔餘依

請從官朝服詞賀

嘉靖十八年三月十三日該司禮監太監張佐傳奉

聖諭朕躬事孝親于慎終之典已臨舊邸仰戴

天眷宜即恭行奏告禮于行在不可少緩仍用原擇

之吉日子刻行事國社等二壇祭告次日躬詣顯

陵二十日詔告中夏其表賀一節乃朕據禮儀論你

每謂朝服致辭此乃因事之變儀豈有朝服致辭之

者非是要你每表賀今仍宜去服致辭爲是若親王

來朝亦倣前例所謂行在茲亦是行在非常御之所也欽此臣等仰惟皇上遠勤聖駕祇慎親終恭謁寢園光臨舊邸奉主幣以展祀頒璽詔以覃恩上帝眷懷臣民歡戴耿光徽烈真超千古而軼百王者也臣等欣逢盛事無任忭私若止吉服致辭實於典禮未備伏望皇上俯從臣等前請禮儀仍於二十日百官上表稱賀臣等不勝惓惓祈懇之至

再請表賀

臣等恭遇皇上巡幸承天祇謁先皇帝陵寢卜吉奏告皇天詔示中夏節該本部具儀題請上表

稱賀奉 聖旨表賀不必行欽此臣等竊以王者舉  
事上合天道下協輿情雖一時舉動而萬世之典則  
繫焉洪惟我 皇上事重爲 親道勤涉遠茲者光  
駐龍飛之邸爰即大廷恭修嚴祀奉 皇考以配  
上帝所謂仁人孝子享帝事親兼舉之矣此大聖人  
之所作爲誠有出於尋常萬萬者而沛里歌風春陵  
過宅不足言也矧 鑾輿所至扶杖之老襁負之幼  
連袂接踵闐郭溢郭莫不舉手加額瞻禮讚歡其欣  
欣之色萬衆一致皆出自天真不謀而合不強而同  
者臣等觸目激中莫不感動竊歎聖神功化得民之

大如此而禮官群臣慶禮弗展後將謂何伏望 皇  
上赦 臣等再三之瀆深惟大禮俯納勗堯仍容二十  
日文武百官恭伏 龍飛殿墀下上表稱賀非但 臣  
等犬馬一念之私得以少罄亦以昭宣鴻烈垂示於  
萬世也三月十五日奉

聖旨這表賀一節原不是你每忠誠敬夏言說回鑾  
上表纔是你每文臣當知尊敬之禮每每慢忽禮樂  
自上出亦不爲害者表賀

題叅伊王不行躬迎 聖駕

該伊王奏稱恭聞 皇上巡幸承天 臣欲躬迎 聖

駕已差官具奏伏蒙 聖諭免臣遠迎不勝戰慄之

至謹遣承奉副巴欽左長史楊汝宮於鄭州地方代

臣奉迎等因奉 聖旨行在禮部知道欽此臣等爲

照天子巡狩則方國諸侯畢會此古帝王之令典也

查得先該伊王奏乞奉迎 慈孝獻皇后梓宮奉

欽依罷免此前日事也茲則 聖駕躬巡各該附近

諸王奏請迎謁俱有 旨允其來朝伊王自合踰境

奉迎伏謁輦轂之下以伸臣子之忱却乃妄引前旨

一槩混作今次俱免不思先後異事吉凶殊禮顯是

該府內外輔導官事體罔知以致王於有過事屬有

違相應究治合候命下移咨行在都察院轉行巡按  
河南監察御史將該府內外輔導等官通行查提到  
官問擬應得罪名以爲不恭之戒嘉靖十八年三月  
初七日奉

聖旨是

詔免承天田租撫按等官率官生耆民人等上

表謝 恩儀

該巡撫湖廣都察院右副都御史等官陸杰等奏稱  
恭遇 皇上巡幸南服躬謁 顯陵荷蒙 恩詔特  
免田租親率司府縣官師生耆老人等上表稱謝庸

展感激之私等因奉 聖旨准表謝着明日舉行行

在禮部知道欽此 臣等謹將儀注開坐上請 一先

期鴻臚寺設表案于龍飛門御道正中是日恭請

皇上具常服御龍飛門從官具吉服東西丹墀侍班

湖廣巡撫都御史等官具朝服該府官吏師生耆老

人等各具本等服奉表至丹墀立候從官行叩頭禮

畢本部尚書具說帖引湖廣撫按等官并師生耆民

至御道中跪本部尚書奏該湖廣巡撫右副都御史

陸杰等恭遇 聖駕巡幸承天府荷蒙 恩詔蠲免

田租率領司府等官并師生耆老人等上進謝 恩



表文一通引奏進收畢鴻臚寺贊撫按等官行五拜  
三叩頭禮畢三月二十一日奉

聖旨是依擬

宣諭承天府百姓

說與故里的衆百姓每我 父母昔在 孝宗皇帝  
時封國在這里我 父母積許大的德行生我承受  
天位今日我爲 父母來到這里你每也有昔年的  
舊老也有與我同後生者今日一相見但只我全沒  
德行 父母都天上去了這苦情你每也見麼我今  
事完回京說與你每幾句言語各要爲子的盡孝道

爲父的教訓子孫長者撫那幼的幼者敬那長的勤  
生理做好人依我此言語況我也不能深文這等與  
你每說以便那不知文理之者教他便省的你每可  
記着嘉靖十八年三月二十一日

諭五臣

此諭卿等看了朝罷地方官引承天府老人坊廂長  
于重明門外禮部尚書口宣此諭畢與他酒食將諭  
帖着刊布于衆

進繳 諭承天府百姓 御筆帖

本月二十一日該<sub>臣</sub>嵩欽奉 面發宣示承天府百

姓 聖諭一道該地方鎮巡布按二司官引承天府  
老人坊廂長王諒等共一百五十八名于重明門外  
臣謹恭捧 聖諭宣示衆民俯伏拱聽及傳與酒食  
俱望闕叩首感動下泣仰惟 皇上篤念承天爲

先皇帝封國之地義重本根 詔蠲租稅茲復親發

玉音特頒 宣諭欲令小民易於通曉詞不深文而

意獨懇至皆自 皇上一念孝親之衷所發讀之使

人流涕所謂親親仁民帝王仁孝大德於此備矣傳

之萬世盛美無極 臣謹欽遵恭錄 聖諭本部刊摹

布于該省官民令其家傳人誦世世子孫無忘 皇

上大恩謹將原捧 御筆帖一道進繳謹題以聞

回鑾請免諸王朝見

該崇王奏恭遇 皇上巡幸承天乞於裕州地方恭  
迎 聖駕等因節奉 聖旨允王來朝行在禮部知  
道欽此欽遵仰惟 大駕南巡 崇王踰境竭誠奏  
請奉迎自是尊君之敬伏蒙 皇上俯賜嘉納寔廣  
睦親之仁但 臣等切照昨者 聖駕南來各該諸王  
已展覲儀即今 回鑾欽定程次剋刻不停若諸王  
再復謁見不無煩勞 聖體稽滯行期況奉有 御  
筆諭知趙王等王俱免送駕所據崇王候迎一節合

無暫賜罷免候命下本部行令該府長史啓王知會  
免其朝送庶事體歸一程期無阻而王之誠敬亦旣  
蒙 聖明之允鑒矣嘉靖十八年三月二十六日奉  
聖旨是諸親王昨皆係迎見程次尚緩茲朕趨大事  
回京以理日無間刻可暫止王來尚有日以便行文  
與該府長史司遵依

慶都縣堯母陵祀覆議

該巡按直隸監察御史謝少南奏爲乞賜表揚先聖  
母氏陵墓以弘達孝以光巡幸事 臣經理供應前至  
慶都地方採訪舊跡則城之東隅有堯母墓北郭有

唐帝祠詢之有司乃未經載在祀典雖有廟宇三楹卑隘狹小不稱表揚臣愚惟我皇上所過凡名山大川古先帝王陵寢皆有秩祀乃所以崇先德而廣達孝風臣民而厚禮俗至盛典也伏望 勅下行在禮部將堯母祠表揚修建載入祀典則數千年之陳跡一旦鼎新有裨 聖治有光巡幸等因奉 聖旨堯母克生大聖有功永世義當崇報這御史所言爾行在禮部便詳議來說欽此臣等謹按史帝嚳高辛氏娶陳鋒氏女生放勛是帝堯之母即帝嚳妃也皇覽曰帝嚳塚在東郡漢陽墳丘城南臺陰野中即今

大名府滑縣東北七十里其妃爲慶都陵在今保定府慶都縣誌載謂堯始受封之地堯母葬焉則慶都陵爲帝嚳之妃帝堯之母厥跡甚明昨者我皇上祇謁顯陵南巡楚服所過秩祀帝王忠烈祠墓先該本部咨行北直隸等處巡撫官轉行所屬有司查該本境古帝王忠烈祠墓應秩祀者令其實封開報前來以憑題請而沿途有司漫弗之省今御史謝少南乃能蒐訪輿圖表揚聖跡於聖上省方盛典不無有助況我大聖人至孝至德媲美唐堯因而推崇往聖之母永光錫類之休亦千百載間一盛事也

伏望 特製宸章遣官致祭以備巡幸秩祀之典其  
修建祠墓合候命下本部行都察院轉行撫按官再  
行親詣該縣稽審坐域相度地方定議回報以俟覆  
請定奪四月二十五日奉

聖旨帝堯父母異陵可徵合葬非古依擬便行有司  
修建祠寢以副朕追崇往聖之意謝少南能表揚建  
白才識可嘉着改左春坊左司直兼翰林院檢討吏  
部知道

請刊布 御製南巡諸什

該巡按直隸監察御史劉士達題臣聞虞帝之有天



下也當受終觀象之後正始班瑞之餘他務未遑獨  
先巡狩當是時尤以柴望爲先巡狩既畢歸格于藝  
祖用特羊以成功告於先王此聖帝明王之心不能  
一日忘天下者固如此也恭惟 皇上親馭六飛遠  
涉萬里因純孝之至情舉巡狩之盛典往者詔墨初  
宣舉朝不可建議諸臣過有所慮及今事竣回鑾一  
祭告而河嶽效靈一震疊而神人受職制度以定名  
分以列禮樂征伐自天子出有虞之盛于今見之歸  
告 太廟對越無愧慰愜有加乃知大聖人之明斷  
固有懸合聖指而動中機宜者豈尋常所能窺測哉

民榜文並行於世則作範於帝鄉而效法於天下等因奉聖旨這御史說的是行在各該衙門看了來說欽此臣等看得御史劉士遠奏乞將御製珍什發下該部翻刊以傳及宣示承天故里百姓諭遍

之天下與 太祖高皇帝榜文並行一節臣等仰惟  
皇上聖學緝熙睿思卓越知識周于六藝藻翰動  
乎三光諸凡制作迥備天人近者南巡楚服雖涉風  
塵不忘翰墨紀行則有出京渡河之篇臨謁則有題  
漢江閱純山之什慕親有思恩之賦禮神有秩祀之  
文至於蠲租下詔教民賜諭仁言懇惻讀者感泣誠  
所謂盡制盡倫止仁止孝言爲世法行爲世則非空  
文無補之云也但琅函寶笈緘襲孔嚴延閣木天秘  
藏惟謹在廷臣僚或未周知下邑遐方豈獲遍覩御  
史劉士達欲刻布天下具見遵崇 聖制忠愛至意

伏望俯從所請勅下內閣將一應御製詩詞詔諭祭告祝文等項逐一查錄編緝成書發下本部一體恭刻頒示臣民家傳人誦則曠儀備覩于一時盛事永傳千萬禩矣四月二十八日奉聖旨准題請行

擬上大駕旋京奏謝郊廟及百官表賀儀  
茲者恭遇皇上南巡楚服恭視顯陵特惟卜兆之圖兼舉省方之典尊天配考而秩徧群神惇族展親而恩覃兆庶大孝鴻儀曠千古而一見者也仰惟上帝眷懷百靈擁衛往返六旬聖躬萬福

今大駕旋京理宜奏謝 皇天 皇祖列聖北郊  
社稷等神于以仰答休貺亦禮出告反面之意而臣  
等文武百官合行上表稱賀以盡臣下歡慶踊躍之  
私其合行事宜謹具擬開坐上請 一欽定四月十  
五日 駕入京師是日留守大臣率文武百官先於  
彰義關迎駕駕至留守官致詞行叩頭禮次日太常  
寺奏齋恭辦合用脯醢酒果制帛翰林院撰合用祭  
文十八日 上親奏謝 皇天于玄極寶殿同日  
上親告謝 皇祖太廟 皇考睿宗廟遣官分告  
列聖群廟及北郊太社稷帝社稷朝日夕月天神地

祇合用欽命大臣十四員供事文武官照例祭服陪  
拜如常儀同日 上詣 慈寧宮几筵行謁禮十九  
日恭請 皇上御奉天殿公侯駙馬伯文武百官上  
表稱賀行禮如常儀嘉靖十八年四月初三日於新  
鄉縣進奉

聖旨且依擬仍候旨 續於保定行宮節奉 聖諭  
奏謝等用二十四日

回鑾奏謝并慶賀儀

茲者恭遇 大駕回鑾 聖躬萬福凡在臣民均深  
懽慶先該<sub>臣</sub>等於行在所具疏恭請 皇上奏謝

天地宗廟百官上表稱賀等因奉 聖旨且依擬仍

候旨欽此本月十九日臣蒿於文華殿欽奉 面諭

奏告殿廟等處都着子刻行事質明御殿百官行慶

賀禮俱二十四日欽此欽遵臣等謹將奏謝并慶賀

禮儀恭擬開坐上請伏候命下欽遵施行 計開

一奏謝儀 一太常寺備辦合用祭品脯醢制帛翰

林院撰合用祝文 一二十四日子刻 上親奏謝

皇天于玄極寶殿是日 上至玄極門東導引官

導 上至玄極門內填版畢出導 上至東陞由左

門入典儀唱執事官各司其事內贊奏就位典儀唱

迎帝神奏陞壇奏跪搢圭上香出圭復位奏四拜典  
儀唱奠帛行初獻禮奏陞壇奏搢圭獻帛獻爵出圭  
詣讀祝位奏跪讀讀祝訖奏俯伏興平身復位  
典儀唱行亞獻禮行終獻禮儀同初獻惟不讀祝獻

帛典儀唱送帝神奏四拜訖典儀唱讀祝官捧祝進  
帛官捧帛各詣燎位望燎奏詣望燎位燎半奏禮畢

上躬詣 皇祖太廟 皇考睿宗廟告謝行禮如

常儀 一遣官分告 列聖群廟及 北郊 太社

稷 帝社稷朝日夕月天神地祇太歲等神旗纛等  
神都城隍之神承天門之神俱遵照本年二月十一



日祭告巡幸欽命大臣各行禮 一行事俱用祭服  
文官五品以上武官四品以上六科都給事中皇親  
指揮千百戶等官照例陪拜 一慶賀儀 前期一  
日鴻臚寺設表案教坊司設中和樂大樂是日錦衣  
衛設鹵簿駕百官各具朝服丹墀內侍立 上具冕  
服御華蓋殿鴻臚寺執事等官進至華蓋殿行五拜  
三叩頭禮畢贊各供事鴻臚寺官奏請陞殿樂作導  
上陞座樂止鳴鞭報時鷄唱定時鼓訖唱排班百  
官入班贊四拜樂作興樂止贊進表樂作執事官舉  
表案由殿左門入置于殿中樂止贊宣表目宣訖贊

宣表贊百官皆跪宣表訖贊俯伏興撤表案于殿東  
樂作贊四拜興平身樂止唱搢笏鞠躬三舞蹈跪山  
呼萬歲者三唱出笏俯伏興樂作四拜興平身樂止  
鴻臚寺官跪奏禮畢駕興四月二十一日奉  
聖旨遣官看照近諭有更代的行餘依擬

恭擬承天府城樓名扁

該欽差工部左侍郎兼都察院右副都御史顧璘題  
爲請垂遠圖以光仁孝事比者伏蒙 皇上遠勤  
萬乘臨幸承天克定大儀人神胥悅復荷憫念舊國  
困於供億特恩詔蠲租三年又 親揮宸翰化諭舊

民申命宗伯耳提諄切老穉伏聽感動下泣一時觀者無不仰嘆大聖人之所施爲真契我皇祖惠恤鳳陽故民之意仁澤霑濡德教洋溢有以遠過漢高唐宗故事萬萬者也近據鍾祥縣父老等告願將前恩詔聖諭建碑於承天府前以示萬世不忘之思如蒙乞勅該部議請於舊邸時乘御天牌坊之南左右各建碑亭一座覆以黃色琉璃惟復隹於承天府豎立以從其願臣又竊念古者武王既有天下追尊太王王季上祀先公以天子之禮遂制禮法達于上下孔子稱爲達孝邇者皇上追尊我獻皇爲睿

宗又尊文皇爲成祖可謂與武王異世同符矣臣  
請將承天府城表曰達孝乞賜朱榜金書懸於陽春  
門城樓之額使四方仰瞻等因奉聖旨碑亭准建  
於坊前左右勿毀民舍城樓之扁禮部看了擬來欽  
此臣等竊惟古者帝王之有豐功偉烈則必托名表  
物以垂示萬世使後之觀者有所據而興起其景仰  
欣慕之私焉仰惟皇上睿德先天弘謨憲古以今  
承天府爲我先皇帝基命之地邇者躬勤萬乘祗  
謁寢園光臨舊邸指顧而煙雲改色陟降而草木增  
輝首殷薦則嚴配帝之儀舉會朝則備展親之禮秩

禋祀以懷柔列神昭黜陟以震疊群辟蠲租賦而濊  
澤流賜訓諭而仁言洽往返僅惟兩月而盛德大政  
莫可殫述民之愛戴不啻赤子之戀慈母蓋行本爲  
親動罔愆禮而漢祖唐宗過宅之舉有不足云矣  
所據表名該府城樓用示鉅觀誠不朽之盛事也臣  
等祇承明詔謹恭擬城樓名曰達孝洪仁之城蓋帝  
王大德曰孝與仁而已孝以爲親仁以爲民此我  
皇上之實德也伏乞 聖裁勅下施行嘉靖十八年  
月日奉

聖旨達孝二字非朕敢當但諸臣累擬進勉從之榜

曰顯親達孝橫扁爲之

南宮奏議卷第十一